



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ioannis Bugenhagenii Pomerani Annotationes ab ipso iam
emissæ. In Deuteronomium**

Bugenhagen, Johannes

Basileae

VD16 B 9247

Historia feriae tertiae post dominicam Palmarum.

urn:nbn:de:hbz:466:1-36133

Historia feriæ tertiæ post
dominica[m] Palmarum.

Mar. 11. Et cū mane transirent, id est, bona, ut hodie vulgo uocant, tertia feria, uiderūt ficum aridam factam à radicibus. Et recordatus Petrus dixit ei, Rabbi, Ecce ficus illa quã execratus es exaruit. At ille, fidei, inquit, hoc opus est per quam omnia impetrabitis à deo & nihil erit impossibile credenti. Et ueniunt rursum Hierosolymam.

In tribus Et cum ambularet in templo accedunt ad eū summi sacerdotes & scribæ & seniores, & dicunt ei, In qua potestate hæc facis? & quis tibi dedit hanc potestatem ut ista facias? Iesus autē respondens ait illis &c.
Euange- Et cœpit loqui multis parabolis quibus haud obscure notauit eorū incredulitatem & obstinati cordis excæcationem, q̄ essent abiiciendi, & gentes in eorū locum subrogandæ, atq; adeo q̄ & publicani & meretrices præcederent eos in regnum cœlorum, quod in Christo rege è cœlis adductum fuerat, in quo dei non humana iustitia inhabitat, atq; eò quãdoq; deduxit rē ut semetipsos suo ore condemnarent. Cum uero hoc intelligerent, abierunt.

Mittunt ergo discipulos suos cum Herodianis per insidias interrogantes de censu Cæsari dando, quibus ait, Reddite quæ sunt Cæsari Cæsari, & quæ sunt dei deo. Saducæos mox de resurrectione mortuorū ten-

tantes confutat, magnum mandatum in lege, tentanti legis doctore aperit. Phariseos qui sibi legis scientiam uendicabant interrogat, cuius filius Christus sit. Hinc uiduam duo æra offerentem reliquis propter fidem præfert. Contra phariseos ad turbas loquitur, & in faciem lupis illis maledicit. Matt. 23.

Atq; isto conatu dū Euangelium promouit, & eos qui Euangelio credunt contra phariseorū doctrinas & impias traditiones instruit, sine quarū damnatiōe Euangelium prædicari non potest, mortem contra se urget, quā obiturus in nostrorum peccatorū oblationem uenerat. Hoc uero postremo audiunt Euangelij persecutores, Ecce relinquetur uobis domus uestra deserta. Dico enim uobis, Nō me uidebitis amodo donec dicatis, Benedictus qui uenit in nomine domini.

Et egressus de templo, discipulis structurā mirantibus, prædixit non remansurum lapidem super lapidem, ne scilicet hodie gloriarentur Iudæi cū scandalo nostro omnia sua adhuc esse integra. Et cum ascendisset in montē oliueti, sedens prædicit multa de Iudæis abiiciendis, de ciuitate & templo uastandis, de seductione pseudapostolorū, de persecutione illorum qui profitentur Euangelium, de prædicando Euangelio per totū mundum, quorū quædam facta & impleta post Christi glorificationem uidemus, quædam tūc statim coepta adhuc durare, & adhuc scilicet dubita-

mus factane uel coepta sint iam post mille quingentos annos quae futura praedixit de pseudoChristis & pseudoprophetais & eorum signis mendacibus? quorum caput Paulus uocat hominem peccati &c. qui incertis doctrinis ignorantes de quibus affirmet, seducturi erant mundum & dicturi, Ecce hic est Christus, ecce illic est. Aduersus quos nos praemunijt suo uerbo, dicens, Nolite credere. Ecce praedixi uobis. Vbi uero ista pseudochristiana seductio grassata fuerit signa uide da praedicit futuri iudicij & extremae illius diei, atq; haec & apertis uerbis & parabolis agit, ut in Mattheo & alijs uideri licet. Et factum est cum consummasset Iesus sermones hos omnes, dixit discipulis suis (eadem scilicet tertia feria, erat enim feria quinta sequenti uespera paschae) Scitis quod post biduum pascha fit &c.

Matt. 26.

ANNOTATIO DE PASCHA

sive de die festo azymorum.

Azuma celebrabantur septem diebus, quando non solum non edere sed ne in domibus quidem habere fermentum licebat, quod legis Exo. 12. Leuit. 23. & Num. 28. Primus dies erat decima quinta luna mensis primi, sanctus ut non licuerit in eo opus facere seruale, erat & septimus dies eadem sanctitate uenerabilis. In uespera praecedente, id est decima quarta luna, edebant agnum sine macula, masculum, anniculum, assum, cum lactucis agrestibus & azymis panibus &c. quae sunt sacra